



# CUMUNI RI BRONTI

Pruvincia ri Catania

## U Sinnacu

Prot. n.

del

- A Voscenza u Prisirenti ra Sicilia,
- Voscenza Viscuvu, Prifettu e Questuri,
  - Cumannanti ri Forzi ri l'Ordini
  - Unurevoli siciliani e nazziunali ri sta Pruvincia
  - Sinnaci ri cità e ri paisi
  - Genti chi cumannati,
  - Genti non struiti, sturiati e altulucati
  - Mariti e mughieri
  - Fimmini e ommini schetti
  - Carusi,
  - Travaghiaturi, nobbili e puvurielli
  - Genti ri mara vuruntà
  - Sturienti
  - Monaci, Monachi e Parrini
  - Picciotti ri maritari e
  - Belli signurini.

### **Oggettu: Littra pi mittari a festa ru pistacchiu ri Bronti 2025.**

*Voscenza Presidenti e tutti i genti mundugati nda sta littra.*

Curriti! Curriti! Mentri tuttu u munnu vinnigna, a Bronti facimmu 6 iorna ri festa pu pistacchio.

#### **Cuminzammu u 10 ottobri e, a lassa e pigghia, finimmu u 19.**

U Pistacchiu evi u fruttu binirrittu ri sta terra chi evi dura, sciutta e china ri pruvurazzu.

Ci facimmu a festa picchi ri nienti chi ni putia dari sta terra, nisciu fuora stu fruttu ca fa maravigghia. Genti ri ca, genti ri fuora, cristiani ru cuntinenti e mischini chi partinu r'America, veninu a Bronti pi ni spiari u pistacchiu. E pi su cattari non pensanu e sordi: paganu senza pippitari, quantu ci spiammu spiammu.

E nottri chi prima ru pistacchiu eramu coma all'autri, tutta ndanavota ricchi divintammu. Perciò a festa evi nienti pi chillu chi ni diesi u pistacchiu. Pi sta festa tutti i bruntisi savissana vestiri a festa, picchi o ri drittu o ri stortu, quarcosa a tutti ci ndrasi nda sacchetta.

E Vuiattri chi bruntisi non siti, ni fa piaciri si ni viniti a truvare. Si no capistivu, Vi staiu mitannu. A festa è pi tutti: pi u Prisirenti, pi chilli chi nda Trinacria cummannanu e pi tutti chilli chi ricivinu sta littra.

Bardativi u sceccu o cercativi un passaggu!

Si viniti, pi nottri evi un unuri ranni e Vi spittammu cu tantu piaciri.

Vi sarutu cu tantu ruspiettu.

**Senaturi Pinu Firrarellu**  
Sinnacu ri Bronti